

三  
國  
志  
注  
補

三國志注補卷二十九

仁和趙一清撰

魏志方伎列傳第二十九

注鹽漬嚴昕

後漢書郡國志廣陵郡鹽漬故屬臨淮

注穀謂佗曰昨使醫曹吏劉租針胃管訖

何云北宋本租作祖御覽卷七百二十二引亦作劉祖

注向來道邊有賣餅家蒜齋大酢

後漢書方術傳作蒜齋甚酸

注似逢我公車邊病是也

後漢書作客車邊有物必是逢我翁也

注又有一郡守病

後漢書病上有篤字

注又有一士大夫不快佗云君病甚

甚一本作深御覽卷七百二十二引作君病至深

注言灸此各十壯

後漢書注十作七

注佗恃能厭食事

後漢書無食字當衍

注景宗說中平曰

顧氏炎武云古人日月之日皆作日似日字惟以上日日爲別耳此日字乃日字也卽中平年之義

注琅琊劉勳爲河內太守有女年幾二十左腳膝裏上有瘡癢而不痛瘡愈數十日復發如此七八年迎佗使視

獨異志魏國有女子極美麗踰時不嫁以右膝上常患一瘡膿水不絕遇華佗過其父問之佗曰使人乘馬牽一栗色犬走三十里歸而截犬右足挂之俄傾一赤蛇從瘡而出入犬足中其疾遂愈御覽卷七百四十三引志怪云有人得寢病腹晝夜切痛臨終敕其子曰吾氣絕後可剖視之其子不忍違割之得一銅酒鎗容數合後華佗聞其病而解之便出巾箱中藥以投鎗鎗卽成酒

注汗燥便愈

後漢書注燥作糝

廣陵吳普彭城樊阿皆從佗學普依華佗治多所全濟

隋經籍志梁有華佗弟子吳普本草六卷又華佗方十卷吳普撰梁有華佗內事五卷

吾有一術名五禽之戲一曰虎二曰鹿三曰熊四曰猿五曰鳥亦以除疾並利蹄足以當導引

困學紀聞唐六典注崔寔正論云熊經鳥伸延年之術故華佗有六禽之戲魏文有五槌之鍛一清案五禽六禽固異五槌之鍛亦未聞

佗授以漆葉青黏散漆葉屑一升青黏屑十四兩以是爲率

後漢書作青黏何云陳藏器以青黏爲萎蕤大觀本草云未必然後漢書注云字書無黏字相傳音女廉反然今人無識

此者甚可恨惜

注文帝典論論卻儉等事曰

博物志魏王所集方士名上黨王真隴西封君達甘陵甘始  
魯女生譙國華佗東郭延年唐霅冷壽光河南卜式張貂薊  
子訓汝南費長解奴亭魏國軍吏河南麴聖卿陽城卻儉字  
孟節廬江左慈字元放右十六人魏文帝東阿王仲長統所  
說皆能斷穀不食分形隱沒出入不由門戶左慈能變形幻  
人視聽厭刻鬼魅皆此類也一清案十六人皆見後漢書方  
術傳

注議郎安平李覃學其辟穀餐伏苓飲寒水中泄利

中泄利句上後漢書注有水寒二字博物志作飲水中寒

注欲其食少而弩行也

弩後漢書注作怒猶言健耳

杜夔字公良河南人也以知音爲雅樂郎

何云杜公良當與王仲宣同傳不可與方技伍

荊州牧劉表令與孟曜爲漢王合雅樂

何氏校改王作主

夔諫曰今將軍號不爲天子合樂

不字衍

時散郎鄧靜尹齊善詠雅樂

晉樂志作散騎侍郎鄧靜尹商善訓雅樂宋樂志同

夔總統研精遠考諸經近采故事教習講肄備作樂器紹復先

代古樂皆自夔始也

世說注引晉後略曰鐘律之器自周之末廢而漢成哀之間諸儒脩而治之至後漢末復隳矣魏氏使協律知音者杜夔造之不能考之典禮徒依於時絲管之聲時之尺寸而制之謹案疑有脫誤甚乖失禮度又引干寶晉紀曰後漢至魏尺長於古四分有餘而夔據之是以失韻晉律厯志漢末天下大亂樂工散亡器法堙滅魏武始獲杜夔使定樂器聲調夔依當時尺度權備典章

黃初中爲太樂令協律都尉

宋百官志太樂令一人丞一人漢西京曰太樂令東京曰太子樂令魏復爲太樂令晉職官志協律都尉魏杜夔爲之



又嘗令夔與左顧等於賓客之中吹笙鼓琴

文選繁欽與魏文帝賤左驥史炳譽姐注引魏志作左驥與  
顧同音則此顧字誤也下同

時有扶風馬鈞巧思絕世

寰宇記卷十六馬給事祠在泗州臨淮縣東一里臺子山

公輸般墨翟皆見用於時乃有益於世

乃字何氏校改巧

子春及眾士互其攻劫

何氏從冊府劫改詰

昔饑荒之世當有利其數升米者

御覽卷七百二十七升作斗

博每聽輅語未嘗不推機慷慨

機一本作机與几同

兒生便走非能自走直宋無忌之妖將其入竈也

何云急就篇注古有仙人宋無忌此云妖未詳又見封禪書  
注引白澤圖云火之精曰宋無忌蓋其人火仙也以入竈故  
以爲火之妖

烏與鷲闔直老鈴下耳

何云御覽引此語下更有公府閣有繩鈴以傳呼鈴下官吏  
者也當亦是裴注

輅鄉里乃太原

乃太原三字未詳或疑是人姓名而其字誤耳

而鯨爲黃熊

熊一本作能

有一流光如燕爵者入居懷中

居一本作君

夫風以時動又以象應

又一本作爻

初應州召與弟季儒共載至武城西

後漢書郡國志魏郡鄴縣有武城水經濁漳水注以爲卽梁  
期城當在今彰德府臨漳縣境

今當故生

生一本作往

自言不解易九事必當以相問

南齊書張緒傳云平叔所不解易七事諸卦中所有時義是其一也此云九事二書互異

注晏謝之曰知幾其神乎古人以爲難交疏而吐誠今人以爲難今君一面而盡二難之道可謂明德惟馨詩不云乎中心藏之何日忘之

世說注引名士傳曰是時曹爽輔政識者慮有危機晏有重名與魏姻戚內雖懷憂而無復退地箸五言詩以言志曰鴻鵠比翼遊羣飛戲太清常畏大網羅憂禍一日并豈若集五湖從流唼浮萍永寧曠中懷何爲恍惕驚蓋因輅言懼而賦詩

歲朝西北風大

風大一本作大風

注覆載萬物生長無首

無首何氏校改撫育

注未然者則幽冥之先

則字衍

輅隨軍西行過卬邱儉墓下

儉下當有父字說見儉傳

輅曰吾額上無生骨

生字何氏校改主

注拙而不功也

功與工古通

注辰撰輅傳寔時爲太常潁川則寔弟智也

晉書劉寔傳寔字子真平原高唐人參文帝相國軍事封循陽子咸寧中爲太常元康初進爵爲侯拜太尉薨年九十一謚曰元弟智字子房以儒行稱歷潁川太守遷侍中尙書太常太康末卒謚曰成

宿松羅忠濟初校

黟縣黃士陵覆校

陽湖吳翊寅再覆校

三國志注補卷三十

仁和趙一清撰

魏志四夷列傳第三十

蹋頓又驍武邊長老皆比之冒頓

何云自冒頓倔强一時其後如檀石槐蹋頓軻比能之興皆  
僅雄長北邊中國無繫人才向用彼固不能有加也劉淵以  
還皆中國先自敗而後乘之耳謀國之士聞一部新盛卽智  
勇豫怯是又與兒童之見無異

父兄死妻後母執嫂

執字後漢書作報此譌下同

俗識鳥獸孕乳時以四節



後漢書作鳥獸孕乳以別四節

東牆似蓬草實如葵子

牆亦从艸作牆諺曰貨爾東牆償我白糧葵字當依後漢書作稌

使護死者神靈歸乎赤山

方輿紀要卷十八赤山在泰寧夷衛境

至匈奴壹衍鞬單于時烏丸轉彊發掘匈奴單于家將以報冒頓所破之恥

何云烏丸大人不世繼然必報破國之恥於百年之久此知報讎之道者也在一家則一家之子姓報之在一國則一國之人民報之豈獨齊襄之復九世已哉

光武定天下遣伏波將軍馬援將三千騎從五原關出塞征之  
五原關今紫荊關也後漢書作五阮案阮原音同  
烏丸大人郝且等九千餘人

且後漢書作旦

至永平中漁陽烏丸大人欽志賁

欽後漢書作欽

紹矯制賜蹋頓難峭王汗魯王印綬皆以爲單于

難下脫樓字後漢書云紹矯制賜蹋頓難樓蘇僕延烏桓烏  
延等皆以單于印綬峭王卽蘇僕延也汗魯王卽烏延也難  
樓爲上谷烏丸大人與遼西之蹋頓右北平烏延並相雄長  
爲其種所歸信

種下後漢書有人字

後袁尙敗奔蹋頓憑其勢復圖冀州

憑其勢元板作借兵欲三字後漢書作尙欲憑其兵力復圖  
中國

尙與蹋頓將眾逆戰於凡城

方輿紀要卷十七凡城在營州西南水經濡水注盧龍東越  
青徑至凡城二百里許自凡城東北出趣平剛故城可百八  
十里向黃龍則五百里

太祖登高望虜陣柳軍未進

柳字何氏校改抑

鮮卑

晉書慕容廆載記其先有譙氏苗裔世居北夷邑於紫蒙之野號曰東胡其後與匈奴並盛控弦之士二十餘萬風俗官號與匈奴略同秦漢之際爲匈奴所敗分保鮮卑山因以爲號曾祖莫護跋魏初率其諸部入居遼西從宣帝伐公孫氏有功拜率義王始建國於棘城之北遂以慕容爲氏祖木延左賢王父陟歸以全柳城之功遂拜鮮卑單于遷邑於遼東北方輿紀要卷十八棘城在營州東南百七十里漢交黎縣地紫蒙川在營州西北

其地東接遼水西當西城常以季春大會作樂水上

後漢書以季春月大會於繞樂水上注云水在今營州北方輿紀要卷十八饒樂河在大寧衛北源出馬孟山其下流東

北入於潢河魏武北征烏桓之後庫莫奚建牙於此  
端牛角爲弓世謂之角端者也

後漢書角端牛以角爲弓俗謂之角端弓

築南北兩部質官受邑落質者二十部

官字後漢書作館二十部作百二十部

圖烏丸校尉於馬城度遼將軍耿夔及幽州刺史救解之

後漢書烏丸校尉徐常也幽州刺史龐參也

數道入塞趣五原監貊

監貊乃蔓柏之譌兩漢志曼柏縣屬五原郡

順帝時復入塞殺代郡太守

後漢書代郡太守李超也

投鹿侯從匈奴軍

投鹿侯上有脫文後漢書云桓帝時鮮卑檀石槐父投鹿侯初從匈奴軍

由是部落畏服施法禁曲直

曲直上後漢書有平字此脫也

檀石槐既立乃爲庭於高柳北三百餘里彈汗山啜仇水上

方輿紀要卷四十四高柳城在大同府東南九十里漢縣屬代郡彈汗山在府東北

盡據匈奴故地東西萬二千餘里

二千後漢書作四千

從右北平以東至遼遼接夫餘貊爲東部

後漢書遼遼作遼東貊作濊貊此譌脫

嘉平六年

當依後漢書作熹平

遣護烏丸校尉夏育破鮮卑中郎將田晏匈奴中郎將臧旻與南單于出雁門塞三道並進

後漢書夏育出高柳田晏出雲中臧旻率南單于出雁門是爲三道

聞汗人善捕魚於是檀石槐東擊汗國

後漢書汗人作倭人汗國作倭人國

北地庶人善弩射者

後漢書庶人作廉人是縣名也

和連卽死其子騫曼小

後漢書小上有年字

軻比能本小種鮮卑

據晉書軻比能之後卽契丹也

東臨大海長老說有異面之人

何云異當作累下云項中復有面也

以殷正月祭天

何云用殷正月而尙白猶箕子之遺教也

男女淫婦人妬皆殺之尤增妬

增一本作憎

其居喪男女皆純白婦人着布面衣



何云面衣如俗白兜之類

自謂亡人抑有似也

似字何氏校改以

王疑以爲天子也

天子乃天生之譌後漢書東夷傳作王以爲神

東明走南至施掩水

施掩水後漢書作掩流水注云今高麗中有蓋斯水疑此水是也

其國有主其官有相加對盧沛者古雛加主簿優台丞使者阜衣先人尊卑各有等級

古雛加後漢書作古鄒大加注云高麗掌賓客之官如鴻臚

也優台下無承字寰宇記卷一百七十三高麗建官有九等  
其一曰吐粹舊名大對盧總知國事次曰太大兄次鬱折華  
言主簿次太大夫使者次阜衣頭大兄東夷相傳所謂阜衣  
先人者也以前五官掌機密謀政事徵發兵馬選授官爵次  
大使者次大兄次收位使者次上位使者次小兄次諸兄次  
過節次不過節次先人又有狀古雛加掌賓客比鴻臚卿以  
大夫使者爲之又有國子博士太學博士舍人通事典書客  
皆小兄以上爲之又其諸大城置倭薩比都督諸城置處間  
近支比刺史亦謂之道使其武官曰大模達比衛將軍以阜  
衣頭大兄以上爲之次末客比中郎將以大兄以上爲之其  
次領千人以下各有差等一靖案此所說與唐書稍異

本有五族有涓奴部絕奴部順奴部灌奴部桂婁部

涓後漢書作涓

後漢書注高麗五部一曰內部一名黃部卽桂婁部也二曰北部一名後部卽絕奴部也三曰東部一名左部卽順奴部也四曰南部一名前部卽灌奴部也五曰西部一名右部卽涓奴部也

其公會衣服皆錦繡金銀以自飾

酉陽雜俎魏時有高句麗客善用針取寸髮斬爲十餘段以針貫取之言髮中空也其妙如此

遼東太守蔡風

後漢書風作諷下同

又攻西安平於道上殺帶方令

後漢書郡國志帶方屬樂浪郡公孫氏置帶方郡於此  
位宮有力勇

力勇當依太平寰宇記作勇力

又使犬加統責其租賦貂布

賦一本作稅與後漢書同貂布後漢書作貂布

北沃沮一名置溝婁

置毋邱儉傳作買

又說得一布衣從海中浮出其身如中國人衣

後漢書其形如中人衣國字衍

古之肅慎氏之國也善射射人皆入因

因字譌後漢書作目

其後四十餘世朝鮮侯淮僭號稱王

淮字譌後注引魏略作準後漢書同

其人性愿慙少嗜欲有廉恥不請句麗

後漢書句作句麗字衍

白單單大山領以西

單單大領見前東天沮傳後漢書作單大領

有三種一曰馬韓二曰辰韓三曰弁韓

弁韓後漢書作弁辰然弁辰別是一國則此當作弁韓以當

三韓之數竊疑范氏爲非

使禮西說燕燕止之不攻

下燕字何氏校改以

至滿潘汗爲界

潘字譌兩漢志俱作番汗

朝鮮與燕界於渙水

後漢書郡志樂浪郡渙水縣水西至增地入海今大同江也  
渙字誤下同

說準求居西界故中國亡命

故字何氏校改收

至王莽地皇時廉斯鎡爲辰韓右渠帥聞樂浪土地美人民饒  
樂亡欲來降

後漢書東夷傳建武二十年韓人廉斯人蘇馬謚等詣樂浪  
貢獻光武封蘇馬謚爲廉斯邑君使屬樂浪郡注云廉斯邑

名

辰鑑因將戶來出詣含資縣

前漢書地理志樂浪郡含資後漢書郡國志作貪資

建安中公孫康分屯有縣

寰宇記卷一百七十二公孫康分屯有有鹽二縣校勘云魏志無有鹽縣今記乃通典之文未知據何書一清案通典云分屯有昭明二縣此二縣俱見後漢書郡國志樂浪郡下然則樂史與校勘並誤耳

乘船往來市買中韓

後漢書作韓中是也

弁辰亦十二國

此弁辰當依後漢書作弁韓以下又別有弁辰也

弁辰安邪國馬延國

馬延國重下云二十四國合數之得二十六國也

到其北岸狗邪韓國七千餘里

後漢書狗作拘

人好捕魚鰕

何云校作鰕魚

南至邪馬壹國

壹字後漢書作臺

自女王國以北其戶數道里可略載

可下一本有得字



自古以來其使誦中國皆自稱大夫夏后少康之子封於會稽  
實字記卷一百七十四魏略云倭人自謂秦伯之後未詳其  
由

注魏略曰其俗不知正歲四時

時一本作節

遣塞曹掾史張政等

何云少章云塞疑當作奏

復立卑彌呼宗女壹與年十三爲王

與字寢宇記作奧

注魏略曰

何云曰字衍

或在福祿或在汧隴左右

後漢書西羌傳注云汧山隴山之間也在今隴州汧源縣

其自相號曰盍稚各有王侯多受中國封拜

晉書姚弋仲載記其先禹封舜少子於西戎世爲羌酋其後  
遷邠率種人內附漢朝嘉之假冠軍將軍西羌校尉歸順王  
處之於南安之赤亭邠玄孫柯迴爲魏鎮西將軍綏戎校尉  
西羌都督又李特載記其先廩君之苗裔漢末張魯居漢中  
以鬼道教百姓賓人敬信巫覡多往奉之值天下大亂自巴  
西之宕渠遷於漢中楊車坂抄掠行旅百姓患之號爲楊車  
巴魏武帝尅漢中特祖將五百餘家歸之拜爲將軍遷於洛  
陽北土復號之爲巴氏

白項氏王千萬

宋書氏胡傳略陽清水氏楊氏秦漢以來世居隴右爲豪族  
漢獻帝建安中有楊騰者爲部落大帥騰子駒勇健多計略  
始徙仇池仇池地方百頃因以百頃爲號四面斗絕高平地  
方二千餘里羊腸蟠道三十六回山上豐水泉煮土成鹽駒  
後有名千萬者魏拜爲百項氏王千萬子孫名飛龍漸彊盛  
當漢魏之際其大人有檀拓死後其枝大人南近在廣魏  
水經漾水注漾水又東南至廣魏白水縣西胡氏渭曰廣魏  
故廣漢也蓋曹氏改名

蜀賓國大夏國高附國天竿國

天竿當作天竺

浮屠身服色黃髮青如青絲乳青毛蛤赤如銅

何云宋本乳下無青字世說注作爪如銅

民俗田種五穀畜有馬騾驢駱駝

畜下一本有乘字

翠爵羽翮象耳

耳字何氏校改耳

王治於賴城

水經河水注龍城故姜賴之虛胡之大國也蒲昌海溢盪覆其國城基尙存而至大晨發西門暮達東門滄其崖岸餘瀟風吹稍成龍形西面向海因名龍城地廣千里一清案姜賴之虛疑卽賴城也

隨畜牧出好馬有貂

寰宇記卷一百八十五貂上有名字

不騎馬而走疾馬

寰宇記卷一百八十五疾下有於字

短人國在康居西北男女皆長三尺人眾甚多去奄蔡諸國甚遠

寰宇記卷一百八十五引突厥本末記曰突厥窟北馬行一月有短人國長者不逾三尺亦有二尺者頭少毛髮若羊胞之狀突厥呼爲羊胞頭國其旁無別種類相侵俗無盜寇但有大鳥高七八尺恆將短人而食之皆持弓矢以爲之備案此亦在西北卽魏略曰短人國者也

康居長老傳聞常有商度

寰宇記云嘗有商旅行北方迷惑失道而到國中甚多異珠  
夜光明月珠見者不知名此國號以意商度此有脫文

宿松羅忠濟初校

黟縣黃士陵覆校

陽湖吳翊寅再覆校

三國志注補卷三十一

仁和趙一清撰

蜀志二牧第一

劉焉字君郎

何云郎宋本作朗一清案後漢書亦作君郎蓋宋避聖祖諱  
書朗爲郎遂譌作郎耳

江夏竟陵人也漢魯恭王之後裔

御覽卷五百五十九引盛弘之荊州記曰鄭卿鄉鄭滅地方  
也岡南有劉長沙墓益州牧焉之父

焉少仕州郡以宗室拜中郎

後漢書作郎中



注臣松之案祝公司徒祝恬也

後漢書桓帝紀延熹二年八月光祿大夫中山祝恬爲司徒  
三年六月司徒祝恬薨章懷注恬字伯休廬奴人

焉觀靈帝政治衰缺王室多故乃建議言刺史太守貨賂爲官  
割剝百姓以致離叛可選清名重臣以爲牧伯鎮安方夏焉內  
求交趾牧欲避世難議未卽行

劉昭續百官志注孝靈在位橫流旣及劉焉微僞自爲身謀  
非有憂國之心專懷狼據之策抗論昏世薦議愚主盛稱宜  
重牧伯謂足鎮壓萬里挾姦樹筭苟罔一時豈可永爲國本  
長期勝術哉夫聖王御世莫不大庇生民承其休謀傳其典  
制猶云事久弊生無或通貫故變改正服革異質文分爵三

五參差不一況在暨駭之君挾姦詐之臣其所創置哉焉可  
仍因大建寧州之規竟無一日之治故焉牧益土造帝服於  
岷峨袁紹取冀下制書於燕朔劉表荆南郊天祀地魏祖據  
充遂構皇業漢之殄滅禍源乎此及臻後代任寄彌廣委之  
邦宰之命授之斧鉞之重假之都督之威開之征討之略晉  
太康之初武帝亦疑其然乃詔曰上古及中代或置州牧或  
置刺史置監御史皆總綱紀而不賦政治民之事任之諸侯  
郡守昔漢末四海分崩因以吳蜀自擅自是刺史內親民事  
外領兵馬此一時之宜爾今賴宗廟之靈士大夫之力江表  
平定天下合之爲一當韜戢干戈與天下休息諸州無事者  
罷其兵刺史分職皆如漢氏故事出頒詔條入奏事京城二

千石專治民之重監司清峻於上此經久之體也其便省州  
牧晉武帝見其弊矣雖有其言不卒其事

而并州殺刺史張益梁州殺刺史耿鄙

後漢書益作懿梁作涼此誤

臣松之案靈帝崩後義軍起孫堅殺荊州刺史王叡然後劉表  
爲荊州不與焉同時也

後漢書有太僕黃琬爲豫州牧無劉表案表傳云李催郭汜  
入長安欲連表爲援乃以表爲鎮南將軍荊州牧裴注爲審  
也

扶亦求爲蜀郡西部屬國都尉

續郡國志蜀郡屬國注云故屬西部都尉延光元年以爲屬

國都尉別領四城

及太倉令會巴西趙遵棄官俱隨焉

何云會字衍

注陳壽益部耆舊傳曰董扶字茂安少從師學兼通數經善歐陽尚書又事聘士楊厚

後漢書董扶傳扶廣漢綿竹人少遊太學與鄉人任安齊名俱師事同郡楊厚學圖讖楊厚傳字仲桓廣漢新都人祖父春卿善圖讖學父統學習先法厚學統業儒林傳任安字定祖廣漢綿竹人少遊太學受孟氏易兼通數經又從同郡楊厚學圖讖究極其術時人稱曰欲知仲桓問任安又曰居今行古任定祖學終還家教授諸生州牧劉焉表薦之

注還家講授子弟自遠而來

何云子弟元板作弟子來字宋本作至

自號黃巾合聚疾疫之民

何云宋本疾疫作疲役

先殺綿竹令李升吏民翕習合萬餘人便前破雒縣攻益州殺  
儉又到蜀郡犍爲旬月之間破壞三郡

後漢書郡國志廣漢郡綿竹雒又雒州刺史治蓋焉以卻儉  
被殺故徙綿竹綿竹西漢都尉治也水經注益州舊以蜀郡  
廣漢犍爲爲三蜀所謂旬月之間破壞三郡者也

州從事賈龍素領兵數百人

何云素字衍兵上有家字從華陽國志校補

斷絕谷閣

關字水經注作道亦作閣道

樓爲太守任岐及賈龍由此反攻焉焉擊殺岐龍

姜云賈能破賊迎焉及焉作逆復攻焉故一時之杰惜其失勢

注爲陰獄以擊之

擊一本作繫

時焉被天火燒城車具蕩盡延及民家焉徙治成都

漢志蜀郡成都方輿紀要卷六十七成都城舊有大城有少城大城府南城少城府西城張儀所築蜀都賦亞以少城接乎其西謂此也晉時兩城猶存

注璋使趙懿進攻荊州屯胸臆

上森下如振反此六字是裴音釋師古曰胸音劬方輿紀要  
卷六十九萬縣漢胸臆縣地三國志漢建興八年置南浦縣  
屬巴東郡沈約曰時益州牧閭宇表改羊渠立縣是南浦本  
名羊渠蜀前此所置縣也

璋果遣龐羲等攻魯所破

所破上通鑑有數爲魯三字

魯部曲多在巴西故以羲爲巴西太守領兵禦魯

續郡國志巴郡注引譙周巴記曰初平六年趙懿分巴爲二  
郡欲得巴舊名故郡以墊江爲治安漢以下爲永寧郡建安  
六年劉璋分巴以永寧爲巴東郡以墊江爲巴西郡一清案

此引巴記有脫誤是以三巴之說不甚分明全氏祖望曰初平六年趙韙分巴爲二建安六年以蹇卨之訟分巴爲三以永寧爲巴東閬中爲巴西墊江爲巴郡是乃三巴分置之次第也但初平僅四年云六年字誤耳又劉璋嗣位以趙韙爲征東乃興平元年正分巴之歲也誤以爲初平迨建安六年趙韙誅故再分巴耳

注璋馳入成都城守東州人畏威

威當作驍

璋聞曹公征荊州已定漢中

何云已定漢中四字不可曉疑有脫文

注功高而居以讓



居下一本有之字

先主至江州北由墊江水

墊音徒  
楊反

詣涪

音浮

去成都三千六十里

說文墊从衣作藝音疊方輿紀要卷六十九漢平廢縣在涪  
州東百二十里漢枳縣地三國漢建興中置縣屬涪陵郡漢  
復城在涪州南九十里先主置縣屬涪陵郡漢葭廢縣在涪  
州東百里建安中劉璋置縣屬巴郡三國漢改屬涪陵郡又  
萬寧廢縣在涪州彭水縣南本涪陵地劉璋分立永寧縣先  
主改曰萬寧廢黔州卽彭水縣治本漢涪陵縣也華陽國志  
涪陵已之南鄩漢興置涪陵縣常爲都尉理山嶮水灘人多  
獠蛋蜀漢置涪陵郡於此太康地記涪陵在江之東是也石  
城廢縣在重慶府黔江縣治劉璋分涪陵所置丹陽縣也晉

太康初縣省隋改置石城縣

明年先主至葭萌

方輿紀要卷六十八葭萌城在保寧府廣元縣西北古葭國也華陽國志昔蜀王封其弟葭萌於漢中號曰葭侯命之曰葭萌葭侯與巴王爲好巴蜀仇也蜀王怒伐葭葭奔巴求救於秦秦遣張儀伐蜀滅之并滅巴是也秦置葭萌縣漢因之

魏帛支二年

何云宋本二作一

及故佩振威將軍印綬

何云宋本故字在佩下

而劉焉聞董扶之辭則心存益土聽相者之言則求婚吳氏遽造輿服圖竊神器其惑甚矣璋才非人雄而據土亂世負乘致寇自然之理其見奪取非不幸也

姜云劉焉宗室重臣不知憂國而私圖僭竊先主若聲罪討之夫亦何辭因其近正而還師奪之位此在情理不順若於大義未有失也何云二牧不從董袁羣雄之例而列蜀志首非夷昭烈於割據也王者之興先有驅除評云慶鍾二主卽以漢家故事明統緒所歸天祚眞主卽二牧猶不得以聞干耳其文則若霸國之書其義莫非天子之事遺臣故主之恩淵矣哉又云序吳事則正禮不先於討逆系漢統則二牧乃冠乎興王變其例遜其辭所以待後之人自遇其旨於參錯

迷謬之中故非當時所測也

宿松羅忠濟初校

番禺陶邵學覆校

陽湖吳翊寅再覆校

三國志注補卷三十二

仁和趙一清撰

蜀志先主第二

勝子貞元狩六年封涿縣陸城亭侯坐酎金失侯因家焉注典略曰備本臨邑侯枝屬也

何云續漢書百官志宗正卿下注云郡國歲因計上宗室名籍補注胡廣曰又歲一治諸王世譜差序次第故西京枝屬其後衰者猶皆可考漢書王子侯表陸城侯貞元朔二年六月甲午封十五年元鼎五年坐酎金免蓋以始封之明年爲元年也此云元狩六年少十年矣恐誤一清案漢表陸城是縣侯非亭侯也

先主少孤與母販履織席爲業舍東南角籬上有桑樹生高五丈餘遙望見童童如小車蓋往來者皆怪此樹非凡或謂當出貴人

水經巨馬水注督亢溝水東逕涿縣鄆亭樓桑里南卽劉備之舊里也方輿紀要卷十一樓桑邨在涿州西南十五里身長七尺五寸垂手下膝顧自見其耳

宋書符瑞志作身長七尺七寸

中山大商張世平蘇雙等

漢書地理志中山國屬縣陸城

除安喜尉

漢志中山國安險應劭曰章帝更名安喜

解綬繫其頸善馬柳

五葬反

姜云馬柳繫馬柱也

除爲下密丞

續郡國志北海國下密安帝復

注復與曹公俱還沛國

何云復字宋本作後

使爲青州刺史田楷

爲字當作與

郡民劉平素輕先主恥爲之下使客刺之客不忍刺語之而去  
其得人心如此

前注引典略言平原劉子平薦先主此言劉平刺之何相反



也豈先主失歡於故人耶抑別一人也

非劉備不能安此州也

不一本作未

彼州殷富

何云彼字宋本作鄙

注天降灾殄

殄一本作殄

先主轉軍海西

方輿紀要卷二十二海西廢縣在淮安府海州南百二十里

先主與袁術戰敗屯此

注此至下邳兵潰

此字何氏校改比

注收散卒東取廣陵與袁術戰又敗

呂布傳注引英雄記與此傳注異一書自相違伐殆不可曉  
通鑑從彼注

注饑餓困敗

何云敗字宋本作蹴

注諸將謂布曰

何云謂字宋本作請

曹公後遇之

後一本作厚

注布由是遣中郎將高順北地太守張遼等攻備

張遼傳遼從布於徐州時領魯相

注備單身走獲其妻息

何云宋本作獲其將士妻息一清案此卽呂布傳注所引九州春秋侯成失馬復得事

注董承漢靈帝母董太后之姪於獻帝爲丈人蓋古無丈人之名故謂之舅也

董承故董卓壻牛輔部曲將故皇甫酈謂李傕曰近董公內有董旻承璜以爲鯁毒旻卓弟璜亦卓兄子則承必其支屬其後有功獻帝又以女爲貴人故謂之舅邪靈帝紀中平六年驃騎將軍董重下獄死章懷注董重皇后之弟子也此則靈后之姪若董承恐不與靈后同族

注華陽國志云

隋書經籍志華陽國志十二卷常璩撰

遂與承及長水校尉种輯將軍吳子蘭王子服等同謀

後漢書獻帝紀云偏將軍王服越騎校尉种輯董卓傳亦作王服一清案武侯表云任用李服而李服圖之服豈別姓李邪會見使未發事覺承等皆伏誅

通鑑考異云蜀志先敘董承等伏誅備乃殺車胄魏志備殺車胄後明年董承乃死袁紀備據下邳亦在承死前蜀志誤也

注其夜開後棚與飛等輕騎俱去

何云棚字宋本作柵

注而候騎卒至言曹公自來備大驚然猶未信自將數十騎出望公軍見麾旌便棄眾而走

司馬溫公曰料備必不至此魏書多妄

曹公遣蔡陽擊之

陽當作揚見武紀

注所乘馬名的盧騎的盧走

御覽卷八百九十七引傳玄乘輿馬賦曰劉備之初降也太祖賜之驄馬使自至廐選之名馬以百數莫可意者次至下廐有的盧馬委棄莫視瘦瘠骨立劉備撫而取之眾莫不笑之其後劉備奔於荊州逸足電發追不可逮眾乃服焉世說注引伯樂相馬經馬白額入口至齒者名曰榆雁一名的盧

奴乘客死主乘棄市凶馬也水經沔水注檀溪水西去城里餘北流注於沔

曹公南征表會表卒

何云曹公南征在建安十三年此上疑有脫文及於當陽之長坂

方輿紀要卷七十七長坂在荊門州西北胡氏曰在當陽縣東南百二十里長林城北蓋長坂起於當陽之北而接長林之襟要矣

先主斜趣漢津適與羽船會得濟沔遇表長子江夏太守琦眾萬餘人與俱到夏口

方輿紀要卷七十七揚水在沔陽州景陵縣西南舊自荊州

府監利縣流入境水經注揚水東入華容縣又東北逕竟陵故城西又北注於沔謂之陽口亦謂之中夏口先主當陽之敗張飛按矛於長坂先主以數十騎斜趣漢津遂渡夏口是矣

注與蒼梧太守吳臣有舊

臣字何氏校改巨下同

注日遣邏吏於水次候望權軍

方輿紀要卷七十六陽邏鎮在黃州府西北二十里與江夏分界相傳三國時先主約孫權拒操旦夕使人於此邏吳兵之至因名

注何以知之非青徐軍邪

何云之字衍

注江表傳之言當是吳人欲專美之辭

何云江表傳欲專赤壁之功而不能掩樊口之卽爲一地也  
方輿紀要卷七十七劉備城在岳州府華容縣北七十里俗  
傳是先主中軍寨又謂之金門劉備城

注備別立營於油江口改名爲公安

方輿紀要卷七十八油河在荊州府公安縣西北三里自施  
州流經松滋縣界至縣西南又東北合於大江爲油口

注劉表吏士見堤北軍

堤一本作從

又南征四郡武陵太守金旋長沙太守韓玄桂陽太守趙範零



陵太守劉度皆降

方輿紀要卷八十劉公城在常德府沅江縣西三里漢昭烈嘗徇武陵長沙桂陽零陵四郡立城於此

琦病死

方輿紀要卷七十六江夏城中有劉琦廟及墓

注江表傳曰備立營於油口改名公安縣

何云與前注復出

權稍畏之進妹固好

方輿紀要卷七十八劉郎浦在荊州府石首縣西南二里相傳先主納吳女處繡林山在縣西南二里一名陽岐山昭烈娶孫夫人於此繡幃如林因名又孫夫人城在屏陵東五里

昭烈夫人權妹也與昭烈相敘別築此城居之孱陵卽公安未可與動

與一本作興

注吳書曰備前見張松

通鑑考異曰劉璋劉備傳松未嘗先見備吳書誤也

將步卒數萬人入益州至涪

方輿紀要卷七十八巴山在荊州府松滋縣西南十五里山上有馬鬃嶺及射垞崖相傳昭烈入蜀時走馬射的於此又著紫山在枝江縣南里下有飲馬池先主初入蜀於此息馬更衣愛其林木秀麗建景帝祠於山上

先主亦淮璋持鎮西大將軍

何氏校改持爲行云通鑑作行宋本同

又樂進在青泥與關羽相拒

方輿紀要卷七十九青泥河在襄陽府西北三十里寰宇記  
作青泥池

先主大怒召璋白水軍督楊懷責以無禮斬之

御覽卷三百四十六引零陵先賢傳曰劉璋請劉備璋將楊  
懷數諫備請璋子禕及懷酒酣備見懷佩匕首備出其匕首  
謂曰將軍匕首好孤亦有可得觀之懷與之備得匕首謂懷  
曰汝小子何敢聞我兄弟之好耶懷罵言未訖備斬之  
先主徑至關中

關中謂白水關也在四川昭化縣北二百五十里與陝西寧

羌州接

諸葛亮張飛趙雲等將兵泝流定白帝江州江陽

漢志巴郡江州魚復犍爲郡江陽一清案白帝卽魚復也公  
孫述改名

注任勒兵出於雁橋戰復敗

方輿紀要卷六十七雁橋在漢州治北一里亦曰金雁橋以  
跨雁水上也

注先主歎息焉

何云息字宋本作惜

注及見卓引辭正色

何云引字御覽作列

彭羨

羨乃羨之謬

與郤等戰於瓦口

瓦口水經沔水注作汎口汎水名在上庸郡界

破郤等收兵還南鄭

方輿紀要卷五十六漢中府南鄭縣附郭周時爲褒國地秦厲其公城之沛公封漢中初都此後爲縣東漢始爲郡治

自陽平南渡沔水緣山稍前於定軍山勢作營

法正傳作於定軍興勢作營興勢地名水經沔水注曰漢水東逕小成固南城北百二十里有興勢坂方輿紀要卷五十六興勢山在洋縣北二十里亦曰興勢坂山形如盆外甚險

中有大谷爲蜀漢之重顛

大破淵軍斬淵郤

定軍之戰只斬夏族淵耳張郤於木門青封見殺郤字衍

曹公自長安舉眾南征

南征字疑當作西征

遣劉封孟達李平等攻申耽於上庸

李嚴傳嚴改名平在後主建興八年是時尚名爲嚴也下表  
中列銜仍曰李嚴不應差雜如是而嚴傳又無攻申耽事此  
或別是一人

羣下上先主爲漢中王表於漢帝曰

何云據後漢書注乃廣漢李朝作此文在西京亦不多得疑

諸葛公潤色也

遂於沔陽設壇塲

水經沔水注沔陽縣故城蕭何所築也建安二十四年劉備  
定漢中立壇卽漢中王位於此城其城南臨漢水北帶通達  
南對定軍山

故議郎陽泉侯劉豹青衣侯向舉

宋書州郡志廣漢太守領縣有陽泉蜀分綿竹立續郡國志  
蜀郡屬國漢嘉故青衣陽嘉二年改

勸學從事張爽尹默譙周等

何云亭林云譙周傳建興中丞相領益州牧命周爲勸學從  
事與此前後不同案周卒於晉泰始六年年七十二當昭烈

卽位之初年僅二十三未必與勸進之列從本傳爲是一清  
案周羣傳羣子巨此表不知何人所作而云臣父羣豈周氏  
之子列名於中而傳寫誤爲譙周邪疑當作周巨

咸稱述符瑞圖讖明徵間黃龍見武陽赤水九日乃去

寰宇記卷七十四黃龍廟在眉州彭山縣東二十八里長江  
村導江東岸華陽國志云建安二十四年黃龍見武陽赤水  
仍立廟今有石碑存鼎錄曰時龍見武陽之水九日因鑄一  
鼎像龍形沈水中

注蜀王發卒之成都

何云成字宋本作武

注高七丈



何云七字宋本作十

皇帝備敢用玄牡

備上當依宋書禮志校增臣字

備雖否德

雖字禮志作惟

惟神饗

饗上宋志有尙字

注臣松之以爲先主雖云出自孝景而世數悠遠昭穆雖明既  
紹漢祚不知以何帝爲元祖以立親廟于時英賢作輔儒生在  
官宗廟制度必有憲章而載記闕略良可恨哉

宋書禮志曰備紹世而起亦未辨繼何帝爲禰亦無祖宗之

號何云臣子一例昭烈當日蓋以孝愍爲禰而於本生則仍光武南頓君之例此可以意推而知也又宋書歷志劉氏在蜀不見改歷當是仍用漢四分法晉書地理志章武元年亦以郡國封建諸王或遙採嘉名不由檢土地所出其戶二十萬男女口九十萬

將軍吳班馮習自巫攻破異等軍次秭歸武陵五谿蠻夷遣使請兵

漢志南郡秭歸水經江水注秭歸縣城東北依山卽坂周回二里高一丈五尺南臨大江古老相傳謂之劉備城蓋備征吳所築也又沅水注武陵有五溪謂雄溪楠溪無溪西溪辰溪夾溪悉是蠻左所居故謂此蠻爲五溪蠻也寰宇記卷百

二十先主於五溪立黔安郡

先主自秭歸率諸將進軍緣山截嶺於夷道獠

許交反

亭駐營

方輿紀要卷七十八夷道城在宜都縣西北漢縣屬南郡建安中先主置宜都郡縣屬焉獠亭在宜都縣西其地險隘古戍守處也

自俱

音桓

山通武陵

漢志武陵郡俱山後漢屬南郡方輿紀要卷七十八俱山城在夷陵州長陽縣西六十五里同昌市

與吳軍相拒於夷陵道

方輿紀要卷七十八南津口在夷陵州北三十里當三峽之口相傳漢昭烈嘗據守此津之南故名

改魚復縣曰永安

漢志巴郡魚復鼎錄云章武二年於漢川鑄一鼎名曰克漢鼎埋之丙穴中八分書三足又鑄一鼎沈於永安水中紀行軍奇變又於武都武擔山埋一鼎名曰受禪鼎又埋一鼎於劔口山名曰劔山鼎並小篆書皆武侯造

吳遣將軍李異劉阿等

此李異疑卽劉璋將降吳者

漢皆太守黃元

晉書地理志章武元年以蜀郡屬國爲漢嘉郡宋書州郡志漢嘉令前漢青衣縣屬蜀郡順帝陽嘉二年更名晉志漢嘉郡蜀置統漢嘉徙陽嚴道旄牛方輿紀要卷七十二臨邛廢

縣今邛州治秦置縣屬蜀郡漢因之三國漢屬漢嘉郡一清  
案臨邛漢晉皆屬蜀郡竊謂黃元舉兵攻臨邛城未可卽據  
以爲臨邛屬漢嘉也

先主殂于永安宮

水經江水注章武二年劉備爲吳所破改白帝爲永安巴東  
郡治也白帝山城周迴二百八十步北緣馬嶺接赤脾山其  
間平處南北相去八十五丈東西七十丈又東傍東漢溪卽  
以爲隍西南臨大江闕之眩目唯馬嶺小差委迤猶斬山爲  
路羊腸數四然後得上永安宮劉備終於此諸葛亮受遺處  
也其間平地可二十許里江山迴闊入峽所無城周十餘里  
背山面江頽牆四毀荆棘成林左右民居多墾其中方輿紀

要卷六十四永安宮在夔州府東北臥龍山下一云今府學宮是其地

注射君到

何云射君卽射援見上表中列名

注勿以惡小而爲之勿以善小而不爲

何云賈誼新書審微篇善不可謂小而無益不善不可謂小而無傷然此二語亦本繫傳

注聞丞相爲寫申韓管子六韜一通已畢未送道亡可自更求聞達

姜云武侯爲軍師將軍文事武備倥傯未暇而能手寫申韓管子六韜以遺後主今書生反不能之可愧孰甚又云後主

庸弱故先主與亮皆欲其讀此書可見古人讀書皆以致用  
儒生佔畢以資口談雖多亦奚以爲

乃願遣詔事惟太宗動容損益百寮發哀滿三日除服到葬期  
復如禮其郡國太守相都尉縣令長三日便除服

宋書禮志曰蜀喪禮異於漢也

葬惠陵

寰宇記卷七十二益州成都縣有東陵卽蜀先主陵也今有  
祠存號曰東陵神又云惠陵東西七十步齊高帝夢益州有  
天子鹵簿詔刺史傅單脩立而卑小故相國李回在鎮更改  
置守陵戶四時祭祀

先主之弘毅寬厚知人待上蓋有高祖之風英雄之器焉及其

舉國託孤於諸葛亮而心神無貳誠君臣之至公古今之盛軌也機權幹略不逮魏武是以基宇亦狹

南史崔祖思傳劉備取帳構銅鑄錢以充國用



宿松羅忠濟初校

番禺陶邵學覆校

陽湖吳翊寅再覆校

三國志注補卷三十三

仁和趙一清撰

蜀志後主第三

後主諱禪字公嗣

魏志太和二年注引魏略載明帝露布曰劉升之兄弟守空城然則後主又字升之

大赦改元

宋書五行志劉備卒劉禪卽位未拜亦未踰月而改元爲建興此言之不從也習鑿齒曰禮國君卽位踰年而後改元者緣臣子之心不忍一年而有二君也今可謂亟而不知禮矣君子是以知蜀之不能東遷也後又降晉吳孫亮亦然

注魯乃洗沐

何云乃字元板作爲

牂柯太守朱褒擁郡反

漢書地理志牂柯郡武帝元鼎六年開師古曰牂柯繫船杙也華陽國志云楚項襄王時遣莊蹻伐夜郎軍至且蘭楸船於岸而步戰旣滅夜郎以且蘭有楸船牂柯處乃改其名爲牂柯

越嶲夷王高定亦背叛

漢志越嶲郡元鼎六年開應劭曰有嶠水言越此水以章休盛也

改益州郡爲建寧郡分建寧永昌郡爲雲南郡又分建寧牂柯

爲興古郡

水經溫水注溫水又東南逕梁水郡南溫水上合梁水故自下通得梁水之稱是以劉禪分興古之監南置郡於梁水縣也一清案宋書州郡志以梁水郡爲晉成帝分興古立未知孰是

丞相亮出屯漢中營沔北陽平石馬

水經沔水注沔水東逕武侯壘南南枕沔水水南有亮壘背山向水中有小城迴隔難解方輿紀要卷五十六石馬城在陝西沔縣東二十里或以爲諸葛壘亦曰諸葛城

注萬國未靜

何云靜字宋本作定

注襲行天伐

何云伐字宋本作罰

亮遣陳式攻武都陰平

方輿紀要卷五十九同谷廢縣今鞏昌府成縣治秦下辨邑也漢曰下辨道後漢移武都郡治焉亦謂之武街城又文縣在階州南二百十里古氏羌地漢武開西南夷置陰平道屬廣漢郡三國時蜀漢有其地

亮徙府營於南山下原上築漢樂二城

水經沔水注西樂城在沔陽東山上周三十里甚險固城側有谷謂之容褒谷道通益州山多羣獠諸葛亮築以防遏方輿紀要卷五十六西樂城在寧羌州沔縣西南建興七年丞

相亮築漢城於沔陽樂城於城固此卽漢城也對樂城而言  
故曰西樂水經注以爲在沔陽東山上似誤

谷欲攻漢中丞相亮待之於城固赤阪

水經沔水注小城固北百二十里有興勢坂諸葛亮出洛谷  
成興勢置烽火樓處方輿紀要卷五十六龍亭山在漢中府  
洋縣東二十里乃入子午谷之口其山坂頰色亦名赤坂建  
興八年魏曹真由子午谷司馬懿由西城武侯次於城固赤  
坂以待之蓋兩道並進此爲總會之地也

都護李平廢徙梓潼郡

續郡國志廣漢郡梓潼注曰建安二十二年劉備以爲梓潼  
郡

注漢書春秋曰冬十月江陽至江州有鳥從江南飛渡江北不能達墮水死者以千數

書字譌當改晉漢志犍爲郡江陽宋書五行志是時諸葛亮連年動眾志吞中夏而終死渭南所圖不遂又諸將分爭頗喪徒旅鳥北飛不能達墮水死皆有其象也亮竟不能過渭又其應乎

亮休士勸農於黃沙

水經沔水注漢水又東黃沙水注之水側有黃沙屯諸葛亮所開也方輿紀要卷五十六黃沙戍在漢中府褒城縣南五十里今爲黃沙驛棧道至此始出險就平

徙武都氏王苻健及氏民四百餘戶於廣都

漢志蜀郡蒲氏道廣都水經江水注都安縣有桃關李冰作大堰於此俗謂都安之堰亦曰蒲堰又謂金堤左思蜀都賦西踰金堤是也益州刺史皇甫晏至都安屯觀阪從事何旅曰今所安營地名觀阪自上觀下反上之象其徵不祥不從果爲身門張弘所殺方輿紀要卷六十七成都府灌縣本漢郫綿虎江原三縣地蜀漢置都安縣屬汶山郡觀阪在縣西或云阪在蒲堰之上亦曰觀江陂蒲堰亦在縣西卽離堆口也

立皇后張氏大赦改元

時左將軍向朗行丞相事見後主張皇后冊文

二年春三月進蔣琬位爲大司馬



刀劒錄延熙二年造一大劒長一丈二尺鎮劒口山往往人見光輝後人求之不獲

使越嶲太守張嶷平定越嶲郡

時越嶲夷數反太守不敢之郡只住安定縣去郡八百餘里其郡徒有其名而已郡所屬諸縣皆沒於蠻帥張嶷馬忠始開復之並見本傳又李嚴傳越嶲夷率高定遣軍圍新道縣縣是蜀漢置今不知其處

冬十一月大司馬蔣琬卒

董允亦卒於是年蜀內外之政始壞

居之于繁縣

漢志蜀郡繁方與紀要卷六十七繁城在成都新繁縣東北

三十里漢縣治此延熙十年涼州胡章卞降姜維徙居于繁而遷繁民居新縣故曰新繁

是歲汶山平康夷反

方輿紀要卷七十三平康廢縣在四川松潘衛西南蜀漢時置平康縣屬汶山郡

秋涪陵屬國民夷反

方輿紀要卷六十九涪州春秋巴國地秦屬巴郡兩漢因之蜀漢置涪陵郡

車騎將軍鄧艾往討

艾乃芝之誤

冬復北駐漢壽

方輿紀要卷六十八保寧府廣元縣秦葭萌縣地漢屬廣漢郡蜀漢曰漢壽屬梓潼郡

吳王孫權薨

何云不書吳主書吳王郭恐字誤

大將軍費禕爲魏降人郭循

魏志齊王紀循作脩

拔狄道河間臨洮三縣民居于綿竹繁縣

間字何氏校改闕

立子贊爲新平王

卷四注贊作璿

姜維復率眾出駱谷至芒水

方輿紀要卷五十三芒水在西安府藍屋縣東南出南山芒谷水經注芒水經藍屋縣竹園中分流注渭

宦人黃皓始專政

何云皓專政五年而國亡

恂爲新興王虔爲上黨王

卷四注恂作詢虔作璩

五年春正月西河王琮卒是歲姜維復率眾出侯和爲鄧艾所破還住沓中

景曜五年宮中大樹無故自折此蜀亡之驗事見杜瓊傳  
改元爲炎興

宋書五行志炎興元年蜀地震此黃皓見任之應是冬蜀亡

注是日譔哭於昭烈之廟

宋書禮志云此劉備廟別立也

注又遺尙書郎李虎送士民簿領戶二十八萬男女口九十四萬帶甲將士十萬二千吏四萬人米四十餘萬斛金銀各二千斤錦綺綵絹各二十萬匹餘物稱此

通典云魏武據中原劉備割巴屬孫權盡有江東之地三國鼎立戰爭不息劉備章武元年有戶二十萬男女口九十萬及平蜀得戶二十八萬口九十四萬帶甲將士十萬二千吏四萬通計戶九十四萬三千四百二十三口五百三十七萬二千二百八十一除平蜀所得當時魏氏所得唯有戶六十六萬三千四百二十三口有四百四十三萬二千八百八十

一一清案續郡國志注云景元四年與蜀通計民戶九十四萬三千四百二十三口五百三十七萬二千八百九十一人何云蜀窮匱至此固難以支久矣

使太常嘉命劉禪爲安樂縣公

漢書地理志漁陽郡安樂

封侯者五十餘人尙書令樊建侍中張紹光祿大夫譙周秘書令卻正殿中督張通並封列侯

隋書經籍志梁有蜀平記十卷蜀漢僞官故事一卷又晉書地理志曰濟南郡或云魏平蜀徙其豪將家於濟河北故改爲濟岷郡而太康地理志無此郡名未之詳方輿紀要卷二十二濟岷城在邳州宿遷縣北東晉時以蜀西濟北流人置

濟岷郡咸和三年濟岷太守劉閭等殺下邳內史夏侯嘉以  
下邳叛入後趙郡守廢

公太始七年薨於洛陽

寰宇記卷三後主冢在芒山通鑑考異曰晉春秋云禪謚忠  
公今從王隱蜀記

禮國君繼體踰年改元而章武之三年則革稱建興考之古義  
體理爲違

何云介於二寇加之南中煽動必執踰年之禮非所以係屬  
人心鎮撫方夏也

又國不置史注記無官是以行事多遺災異靡書諸葛亮雖達  
於爲政凡此之類猶有未周焉

何云吳蜀之主雖均曰傳然皆編年紀事於史家之例實亦紀也紀則災異當詳書而舊史闕其承傳是以作者用此自明非欲持此以詆毀葛相一清案史通曲筆篇云黃氣見於秭歸羣鳥墮於江水成都言有景星出益州言無宰相氣若史官不置此事從何而書之史官建置篇云蜀志稱王崇補東觀許益掌禮儀又卻正爲秘書郎廣求益部書籍斯則典校無闕屬辭有所矣而陳壽云蜀不置史官得非厚誣諸葛乎

注先帝亦言吾周旋陳元方鄭康成間

何云陳元方鄭康成皆避地徐州而先主以建安元年領徐州收其啟告以治亂之道在此時也



宿松羅忠濟初校  
番禺陶邵學覆校

三國志注補卷三十三

陽湖吳翊寅再覆校